

Nd.

57. Nefndarálit

um frv. til laga um togarakaup ríkisins.

Frá meiri hluta fjárhagsnefndar.

Nefndin hefur rætt frv. við forsætisráðherra og m. a. fengið skýrslur um nýbyggingarsjóði og umsóknir um togarakaup. Nýbyggingarsjóðir 23 togarafélaga og 3 togaraútgáfarmanna munu um næstu áramót nema samtals kr. 18661407.03. Þó mun þessi fjárhæð lækka um þá upphæð, sem varíð verður úr sjóðunum til nýbygginga á þessu ári. Þá hefur verið sótt um kaup á 43 togrum, en óreynt enn, hve margir umsækjendur hafa nægilegt fé fram að leggja til kaupanna. Vill nefndin beina því til hæstv. ríkisstjórnar að ganga svo fljótt sem auðið er frá sölu togaranna og innheimtu andvirðisins. Það er nú séð, að kaupverð togaranna með þeim viðbóta kröfum, sem gerðar hafa verið, verður mun hærra en gert var ráð fyrir, þegar bráðabirgðalögini voru gefin út, en þar fyrir mun ekki nauðsynlegt að hækka lántokuheimild frumvarpsins, þar sem andvirði togaranna greiðist inn til ríkissjóðs, jafnóðum og greiðslur samkvæmt samningi falla í gjalddaga.

Alþingi, 23. okt. 1945.

Ásgeir Ásgeirsson, Ingólfur Jónsson, H. Benediktsson, Katrín Thoroddsen.
form.